



風角書

14
604
11

全二本
一





風
角
魯

風角書



風角序

角隅也候四方四隅之風以占吉凶

昔人論風角書共若干卷余刪其重複為八卷錄而藏之疑者或以天地噫氣不涉人事余思董子之言矣天地之間若虛而實人嘗漸是澹澹之中而以治亂之氣相殺饌也則風也者殺饌之至神者也有自天者焉自天者被乎人有自人者焉自人者見乎天今夫風之為水為旱為疫為豐年為和平千里同軌風所不及則否寒風晨冽百里之邑噓者比屋閉關自溫者則

否豈非自天者被乎人乎乃若噓温吸寒異於
咫尺一夫疾趨風及尋丈數寸之筵踰尺之鞢
驅暑然火不借天工大軍所聚氛埃四溢則賢
人禮讓風且穆穆爾介冑格鬪風且蓬蓬爾皆
不足異所感則然也人事之見乎天猶之天之
被乎人而已則謂不涉人事者非也謂人之精
氣不足感天使風至者亦非也司馬太史云冬
至日產氣始萌臘明日人眾卒歲一會飲食發
陽氣產氣始萌者天矣且會飲食發陽氣者非

人乎王充求勝一切而不知其絕人於天之甚
者也今夫人內滿者呵逆風者噓襲寒者噫咳
力倦者欠伸謂人不足以感天猶謂呵噓噫咳
欠伸之盡出乎人也說詩者不云乎風者風也
上以風化下下以風刺上風係於天人之際亦
若此於是書神而明之以審量天地懸悟人事
卽微忽察識何難焉諸如雨露之濡霜雪之凝
雷霆之奮擊日月之暈抱星宿之躔次雲氛氣
象之輝映德形參錯降流蒸發王者以謹防豫

治性情候民物未嘗或遺亦曰自天者吾以調
之自人者吾以備之爾何獨疑於風占也然則
子之遺彼也何居貴其色者難其辨也貴其度
者鮮其學也貴其謹伺者憚其勤也三者之患
於風角知免矣吾姑先其易者若夫王充之獨
歸之天以天占人揚子雲所謂不善占天者也
崇禎十二年己卯秋八月濟陽張爾岐撰

風角書卷一

濟陽張爾岐蒿菴著

開州李若琳淇篔甫校訂
安康張鵬鵬補山氏重刊

風角占總例

風候

大風之候若眾鳥噪空翻飛羣魚出水跳躍星
搖動日月昏暈雲片片相逐慘白慘黃聚散不
常雲繞日雲腳黃雲行急日光搖太白晨見參
宿動燈火燄作聲皆是又有風起之
日更當詳之

候風法

凡候風必於暢達高平之地立五丈竿以雞羽
八兩為葆懸竿上候風吹羽葆平直則占亦可
於竿首作木盤內畫八卦十干十二支置三足
木鳥於盤上兩足連上而外立一足安下而圓
轉風來則鳥轉首向之鳥口銜花花旋則占羽
用雞取其屬巽而能知按知下疑脫時字羽八兩以象
八風竿五丈以象五音鳥者日精巢處知風鳥
為之首古書云用三丈五尺竿羽五兩擊其端

然則長短輕重惟取適宜不必過泥但須出眾
中不被隱蔽有風則動直而不激為善羽必須
八兩以下五兩以上重則難舉輕則易平也常
占用鳥軍行權用羽作葆之法取雞羽中破之
取其多毛處以細繩緊縛內中夾木長三四尺
許屬竿上其獨鹿扶搖四轉五復之風各以形
狀占之

風名狀

爾雅曰風而雨土曰霾陰而風曰噎日出而

曰暴迴風爲飄焚輪謂之積扶搖謂之焮
李淳風曰占風之家多云發屋折木揚沙走石
等語若每占中俱著此語其文至繁今輒以一
家例之

古曰發屋折木揚沙走石今謂之怒風多爲
不吉 一日之內三移轉方古云四轉五復
今謂之亂風者狂亂不定之象 無雲晴爽
忽起大風不經刻而止絕復忽起古云暴風
卒起乍有乍無今謂之暴風主有卒暴事

鳴條擺樹蕭蕭有聲今謂之飄風善惡依經
旨 迅風觸塵蓬勃今謂之勃風 迴旋羊
角古云扶搖羊角今謂之回風回風者旋風
也有自上而下者有自下而上者或平條長
直或摩地而起總謂之回風亦有專占 古
云清涼溫和塵埃不起今謂之和風 古云
暗冥昏濁寒尅者今總謂之霾曠風
凡風和暢清悅溫涼適時塵埃不起人情恬澹
是謂祥風 天色晦冥雲氣昏濁風聲寒慘

埃塏蓬勃是謂災風 風勢紛錯交亂乍起
 乍止深藏難測其聲聒耳是謂小人魅惑按
惑疑是鬼或風 風勢暴起南北不定離合
或作鬼或氛埃是謂上下不甯風 風勢冥冥白日陰
 慘黃霧四合是謂政化未明風 風勢懺懺
 南北離亂高下蓬勃是謂大兵將至風 風
 勢凜冽人懷戰慄是謂形罰慘刻風 風聲
 啾啾慘切令人悲憯是謂大喪風 風聲歛
 歛如火奔馳乍起乍息為旱火風 連風冥

晦四日五日人皆悲傷為大水殺人風

凡吉祥之風日色清明風勢和緩從歲月日時
 德上來或乘王相而求去地稍高不揚塵沙
 人心喜悅是謂祥風兇災之風日色白濁天
 氣昏寒風聲叫怒飛沙捲塵乘形殺而至當
 詳八風五音六情占之 諸稱寒尅昏濁今
 謂之災風諸稱清明溫和今謂之和風以上
先生疾風勃起拔木發屋曰毘風君德昏蔽兵火
舊占

風角書 卷一 三

興災 暴風怒號雲氣昏暈曰惡風國政昏
亂急兵猝起 風鼓塵翳連月不止曰邪風
國有大憂有兵火災 急風陰晦連日不散
曰寵風女謁扇禍人怨兵起
旋風損物歛舉上冲曰逆風在朝防失土宇
在營防敵兵冲襲 旋風攬土去而又來曰
冤風下有冤枉伏尸告變 風聲哀鳴悲切
連日曰哭風火災傷人兵受其敗 迅風作
陣緩急不均曰敗風敵兵大敗我受奇功

風吹雨血地水赤流曰叛風奸邪逆謀兵起
人災 風熱生蟲食苗嚙衣曰殘風淫昏亂
政兵起大饑 風疾吹而木不動五穀茂而
不實曰流風臣專予奪民受其殃 風氣結
聚昏黑籠蔽曰黑風君失其政夷狄侵擾
風氣結陣紅赤橫吹曰紅風賢士災憂奸邪
兵起 風氣急吹中有火光曰神風寇賊兵
起殺害忠良 風氣急吹行人無迹曰鬼風
兵有異謀將憂凶敗 暴風急吹尖削刺人

曰賊風賊兵聚勢暗行冲襲 風寒逼人如
 水澆潑曰水風政濫兵起上下同災 惡風
 逆吹發屋損物曰不順風臣易上政民流兵
 起 木不動搖旱風傷禾曰不擇風私利蔽
 公民災國亂 旋風入營吹倒兵仗曰昭報
 風急防敵冲襲火攻 暴風卒起昏塵蔽天
 曰冥報風急防兵冲突 雲霧隨風亂掩入
 營曰引兵風宜簡驍勇備其入處 暴風入
 營捲軍帳曰惡信風兵士謀叛急宜犒賞

風温熱曰禍風賦斂無度兵怨盜興 風温
 不常蝗蟲暴生曰惑風君淫政慢國有變亂
 以上武備志所載多牽合複雜之談務求其
 備不及擇也

占驗大法

凡候風須明知八卦審定干支或上或下或高
 或卑俱無乖越然後可驗若失之毫釐差之
 千里不可不慎今先定六十四卦 按六十四卦疑當作
 八卦十干十二支辰位總二十四方遞相衝破

即知風發所止然後占之

凡風從戌來須抵辰自辛止必直乙二十四方

先定其衝則來處明白辰卦既明自無失誤

黃帝占曰凡風動皆不安之象若在山川海濱

按海濱當作海濱空穴之間風所出處不可占若在

宮宅城營之內戰陣之所風勢異常揚沙走

石日光昏濁則必占之

人君理順四時則春無淒風夏無苦雨先王之

治以天下為家兆民為子風起異常用意察

風溫熱曰禍風賦斂無度兵怨盜興 風溫

不常蝗蟲暴生曰惑風君淫政慢國有變亂

以上武備志所載多牽合複雜之談務求其

備不及擇也

占驗大法

凡候風須明知八卦審定干支或上或下或高

或卑俱無乖越然後可驗若失之毫釐差之

千里不可不慎今先定六十四卦 按六十四卦疑當作

八十干十二支辰位總二十四方遞相衝破

即知風發所止然後占之

凡風從戌來須抵辰自辛止必直乙二十四方
先定其衝則來處明白辰卦既明自無失誤
黃帝占曰凡風動皆不安之象若在山川海濱

按海濱當
作海濱

空穴之間風所出處不可占若在

宮宅城營之內戰陣之所風勢異常揚沙走
石日光昏濁則必占之

人君理順四時則春無淒風夏無苦雨先王之
治以天下為家兆民為子風起異常用意察

之若紛錯交橫乍起乍止儒墨深藏知者緘默

凡風暴疾南北無定交錯離合氛埃相注此風
之應必在人主

李淳風曰風占災異最驗須於四達無隱之地
占之方不爽

凡鳴條以上風皆詳其五音與歲月日時刑德
合冲墓殺五音生尅王相休囚以言吉凶仍
以六情推之萬不失一

凡惡風後當日有大雨三日內有大雨即解一

曰宮風當日夜雨 徵風三日雨 羽風五日雨 商風七日雨 角風九日雨 但依日數得雨即解 其應四時災氣兼雷雨而發者雨後復風者並依例占

凡風從太歲上來吉凶占君 月建為大臣 日為令長 時為民 又曰宮日占君餘日占臣民

凡風起刑而鄰於德不可分別者以風言之鳴條索索去地尺餘不動塵埃日光不變者為

吉當從吉占吹塵漲天日色昏濁蓬蓬勃勃乍緊乍慢者為凶當從凶占

凡占歲美惡兵起止又以日辰占國

風來遠近占

凡風起初遲後疾者其來遠初急後緩者其來近動葉十里鳴條百里搖枝二百里葉落三百里折小枝四百里折大枝五百里飛沙走石千里拔大木根五千里

凡大風非常滿三日三夜者天下盡風也二日

二夜者半天下一日一夜者千里風也武備志小

異

凡風二日二夜事及三千里外一日一夜事及二千里六時以上事及千里三時以上事及五百里一時以上事及百里

凡大風拔木事及三千里外折大枝事及二千里若風近起城郭卽城郭中有急事卒起宮宅爲左右有變事

凡風自百里以上來者其風時緩時急條長索

索然若蓬勃乍起乍止卒緩卒急勢無常準者並是二百里內非遠來爲災

凡風發一日爲其縣二日他縣三日其郡五日其州六日他州各以日數知災所及一云一日一夜爲邑二日三日爲州四日五日爲國六日七日以上爲天下

京房占風角又有推五音風所發遠近各以其五音之數期風之來處遠近宮風近十里中百里遠千里徵風近七里中七十里遠七百

里羽風近六里中六十里遠六百里商風近
九里中九十里遠九百里角風近八里中八
十里遠八百里以五行成數推之變通其數
觸類而長風所從來二十四處皆明知發止
時方干支卦音一一明晰方可以言

觀風知賊數

凡占知有賊以風所從來之方為月期所乘辰
為道里以止發時干支為人數乘王氣十倍相
氣五倍休廢如數囚死減半假令風從坎來起

夜半止日中坎居子位建子為十一月子數卜
其賊當以十一月來在九百里或九十里內起
子止午子午九數賊數少則九人九十多或
九百九千 干支之數 甲己子午九 乙庚
丑未八 丙辛寅申七 丁壬卯酉六 戊癸
辰戌五 巳亥是四數

附餘

暴風起聲若破鼓有兵必敗 天氣常風君不
思善怨生亂作

大風暴起令急刑濫 大風拔木火災兵起

風起日下有雲烏潤吉蒼白為水為兵赤黃為旱

月下有雲烏潤凶赤白為旱為水為兵喪

凡風聲如怒雷觸地而起者其地大兵起

風雨後大雷皆為天子有急令

凡晝昏有風聲而無風凶殃外至臣共期君不出千日期疑作欺

凡天子占千步諸侯去宅五百步庶人去家百

步

凡風鼓塵連日不散如霧其色赤黑黃燥有火災

凡大風發屋折木天色赤者兵大起行千里又

曰蝗蟲大起

凡風入骨寒慘為雨

舉若相生為和睦尋家常居亦以此分內外
五音有納音五音有十二辰五音有風聲五
音有方位

五音所主

宮為君

商為臣

角為民

一日為事徵為事

一日為物羽為物

宮數一為君為身

徵數三為宗廟先人為鬼怪

羽數五為境界為妻為財

商數七為子為臣為僕
角數九為病為死為喪

李先生云洪範五行自北祖南先經後緯順也
今五音則先緯後經自南祖北逆也情動者
逆行性定者順入也

支辰五音所主

子為陽宮土主帝王 丑為陽徵火主旱宮

寺火災口舌 寅為陽徵火主旱火災烽燧

卯為陽羽水主雨霖水霧 辰為陽商金

主大將軍吏士 巳為陽角木主疾病憂患
午為陰宮土主后妃 未為陰徵火主詔
誥書檄庶人士工蜚蟲旱 申為陰徵火主
郵驛尉候旱蝗疫 酉為陰羽水主霜雪雷
電沈陰冰雹 戌為陰商金主小將兵刃
亥為陰角木主死喪哭泣
李先生曰自子至巳皆為陽律所生故為陽自
午至亥皆為陰律所生故為陰

納音五音

甲子壬申庚辰甲午壬寅庚戌為陽商
乙丑癸酉辛巳乙未癸卯辛亥為陰商
丙寅戊子甲辰甲戌丙申戊午為陽徵
丁卯己丑乙巳乙亥丁酉己未為陰徵
戊辰庚寅壬午壬子戊戌庚申為陽角
己巳辛卯癸未癸丑乙亥辛酉為陰角
庚午丙戌戊申戊寅庚子丙辰為陽宮
辛未丁亥己酉己卯辛丑丁巳為陰宮
甲申壬辰丙午甲寅丙子壬戌為陽羽

乙酉癸巳丁未乙卯丁丑癸亥為陰羽
凡言宮徵商羽角皆依此

定納音附法

庚屬辰 辛屬巽 戊屬坎 己屬離 丙
屬艮 丁屬兌 子午屬庚 丑未屬辛
寅申屬戊 卯酉屬己 辰戌屬丙 己亥
屬丁

假如求甲子所屬則子屬庚便從甲數至庚
得七數七商數也則甲子納音為商金矣餘

皆傲此

乾主甲子壬午震為長男故主子午與父同
甲對於庚故主庚 坎主乙未癸丑巽為長
女故主丑未與母同乙對於辛故主辛 坎
為中男故主戊中陽於庚申中陽辰 離為
中女故主己中陰於卯酉中陰辰 艮為少
男乾主壬對丙故主丙辰戌是末陽辰為第
五配 兌為少女坤主癸對丁故主丁巳亥
是末陰辰為第六配

李先生曰今月初生於庚上見震象八日丁上見兌象十五日甲見乾象十六日平旦辛上見巽象二十三日旦丙上見艮象晦日見離象朔日見坎象於戊己中宮此納音所主從月來也

五音風聲占

李先生云凡占風必知風之情知風之聲五音者五行之聲皆黃鐘之管增減以生上下聽聲之法必須耳察大小清濁以度數正之度

數正則聲正矣不可以文載口論姑言其梗

概云

官風大則隆隆如洪鐘小如牛鳴窖中作洩

酸濁微氣

微風大則烈烈如燎火小如鷹喚子作硫黃

火藥氣又云如奔馬如縛彘聲

羽風大則澎澎如湧浪小則如蛙鳴潛作水

腥魚腥氣又云如麋鹿喚子如水揚波激氣

相磋如揚水如擊濕鼓

商風大則鏘鏘如環珮小則如離羣羊作銅
辛血腥氣又云如扣鐘磬如蜚羽之集如鳴
咽流沙鳴聲感人

角風大則聲齶齶如震落如千人語琅琅然
令人悲哀小則如雉登木作烟焦燒髮氣又
曰如人叫啾啾如嘯如呼

占風知敵將

風勢殷殷如車如雷如擊鼓聲者為宮其將寬
和

風勢如奔馬如炎火者為徵其將猛烈難與爭

鋒

風勢如波流相激者為羽其將貪暴多奸詐

風勢如金石如雜珮如鸞和者為商其將威猛
而好殺

風勢舒徐動林木者為角其將仁恕不可欺詐
五音相動風占一以時日方參驗之

宮日風從子午宮來為宮動宮主人君出行急
風急出有惡慢風慢出有善令以日辰占遠

近有惡下疑
遺令字

風從陽宮來山崩地動君出有土工旱一日
陽宮之日風自宮來君出

風從陰宮來地震裂后出行又為旱一日陰
宮之日風自宮來后出

風從子午宮來時加子午為重宮君欲行大
臣走風雨不調

風從丑未寅申徵來為宮動徵有火災有土
工寶物出有兵時加徵為重徵有義兵行有

詔令謂之義風

風從卯酉羽來為宮動羽主有大雨不則大
臣出走復為旱宮君羽臣君怒故臣走宮土
羽水土盛水衰則火起故復為旱時加羽為
重羽即有雨五穀成

風從辰戌來商來為宮動商有兵行且有客
兵來時加辰戌為重商有兵殃

風從己亥角來為宮動角有兵戰人主憂客
兵傷有喪從陽角來邊兵戰有大喪宮為土

角爲木木動土不勝故君凶角主哭泣故爲喪時加己亥爲重角君不昌故爲大喪

徵日風從陽宮來土工起大旱火災頻起宮寺從陰宮來太子有疾時加徵爲重徵有土工火災起

風從丑寅陽徵來有火災君有恐走獸爲人害宮寺多焚從壬相來歲大旱又多火災從未申陰徵來人君憂走獸爲害火災一曰六畜多死時加丑寅未申爲重徵國四門閉有

大事

風從陽羽來四鄰有事實物出陰勝於陽且有雷霆霜雹多火災四夷兵起從陰羽來亦

然

風從陽商來有急兵人主出以兵自守期七日若七十日從陰商來邊有急兵戰一曰風從陽商來輔臣强大臣死民有殃以日占國風從陽角來有邊兵從陰角來邊有警火金尅木木子火又尅金故有兵亦爲有喪

羽曰風從陽宮來人持財物聚君有更令邊兵起土工興將受命有集會有寒雪雹從陰宮來暴寒傷物有水有土工兵集

風從陽微來國有兵有急令臣有憂關梁塞道路不通從陰微來邊兵疫一曰邊兵憂風從羽來有白衣聚有大喪大寒雷雹期五日若五十日且有大雨雨從南方來國有憂人多病雨從北方來賊聚水中且有雷雹陽雨日應陰雨夜應

風從商來有兵圍城不戰邊有急關梁不通大雨客兵不利金水相和和故不戰羽爲角除害相臣爲君討賊故動必大雨不出戰也風從角來邊有兵來圍城城破一曰兵不解時加己亥爲重角有圍城有大喪

商日風從陽宮來戒太子忌怨大臣有急兵宮土商金母憂其子故爲太子亦爲人主有疾從陰宮來一說從北方來庶子有憂有急變兵起北方

風從徵來國邑受令兵行將在外兵還不戰
臣受命令而行徵爲號令商爲兵商受徵尅
故兵退一曰有小旱時加徵爲重徵有火有
旱

風從羽來大雨水歲大荒國憂亂有兵起東
方羽水從金生故有大兵大水之事

風從陽商來有白衣聚眾自立且有大水關
梁不通大將出忌外兵邑有小寇人君憂國
門四閉兵在西方從陰商來國有大殃粟貴

邑有兵起風怒期七日若七十日有急令兵
大起商爲金二金並行故爲有大兵一曰風
從商來大臣死

風從陽角來有猝兵有急令從陰角來有喪
土工作時加商角米貴人疫

角日風從陽宮來兵從中起君有憂國門四閉
從陰宮來有大喪貴人多疾病有土工宮爲
君角主死喪故有大喪

風從徵上來大臣災亦防火蟲生粟貴一曰

吏檢人財有兵喪倉粟寶物出又曰時加角
徵或從他處起止於角徵皆為火災風從羽
上來有大雨土工興邊有兵卿大夫多口舌
疾病亦為夷人相奪

風從商來有急兵一曰臣不忠

風從陽角來邊兵起人主憂有賊至戰不勝
多死亡從陰角來有兵有喪一曰遠喪至時
加角有喪有邊兵戰盜賊起粟貴民饑野多
死人角主死喪重角尤甚又曰角日風疾天

子昏大兵起

五音相動風占二以音與方參驗之

宮風急惡土工大興 自宮方來山摧坼崩

自徵方來虎狼為害 自羽方來大雨陰寒

自商方來大水 自角方來蝗蟲敗穀

徵風發屋有急事來 自徵方來火災 自宮

方來旱災土工興 自羽方來寶物出國

自商方來急兵鬪 自角方來火災人哭泣

羽風怒則粟貴兵發 自羽方來霜雹大雨

自宮方來暴寒傷物 自徵方來臣民有憂

自商方來兵鬪將憂 自角方來城圍不

解

商風自商方起有鬪兵 自宮方來后憂 自

徵方來君行急令兵凶 自羽方來夷塞關

梁 自角方來國有兵

角風拔木則賊來戰 自角方來急兵入郭

自宮方來土工作 自徵方來火災 自羽

方來人災野荒 自商方來君令急暴兵起

五音之日風占專詳納音舊作五岳者非

是

東方寅卯之角國有大寇人多疾病 庚寅辛卯是

寅卯之徵有妖言惑眾鬼神作祟又火災 丙寅

丁卯是

寅卯之商大兵攻伐賊出燕趙 壬寅癸卯是

寅卯之羽暴霜火災蝗蟲起 甲寅乙卯是

寅卯之宮帝不安其都有遊幸出喜令以財

物賜庶人 戊寅己卯是

南方巳午之徵夷狄侵害遠人邪謀乙巳戊午是

巳午之羽有江海賊或水中之船害人癸巳丙午是

巳午之商大臣用事人民作亂辛巳甲午是

巳午之角牛羊疫魚死水中小民移動己巳壬午是

巳午之宮天子欲警暴亂賞有功逐佞人封

有德丁巳庚午是

西方申酉之商軍民內移乘舟沒溺壬申癸酉是

申酉之角貴人災使者至奸兵起一日人民

災庚申辛酉是

申酉之宮臣爭賄不恤國戊申己酉是

申酉之徵內臣謀逆丙申丁酉是

申酉之羽霜雹非時秋水災兵動水賊起民

疾病五穀不成甲申乙酉是

北方亥子之羽蝗蟲卒起霧傷萬物癸亥丙子

亥子之商外兵為患水中賊起辛亥甲子

亥子之角三公憂喪人疾疫己亥壬子

亥子之宮土工興兵起

丁亥庚子是

亥子之徵皇后憂太子有暴喪

乙亥戊子是

四季辰戌丑未之宮有土工人流移牛羊疫

丙辰

丙戌辛丑辛未是

辰戌丑未之徵山賊流言民怖欲逃

甲辰甲戌己丑

己未是

辰戌丑未之羽妖言流播眾庶移徙

壬辰壬戌丁丑

丁未是

辰戌丑未之商五穀不熟民多災死

庚辰庚戌乙丑

乙未是

辰戌丑未之角夷兵起人作難寶物出

戊辰戊戌癸丑

癸未是

以上所言止論風勢掀大即據日辰納音

為斷

五音風聲占一

大風歎薄如吹火其聲中宮宮屬土聲怒土木

工興如吹水主兵

風聲清徹如裂帛其聲中商商屬金聲怒征伐

兵起聲平歲疫

大風鳴暗高下不齊其聲中角角屬木聲怒兵
戈起急而寒大兵

風烘烘然如炎火其聲中微微屬火聲怒兵火
災

風激揚如湍流其聲中羽羽屬水聲怒奸邪暗
起有水災

五音風聲占二

宮風發屋折木有土工人君內煩不出十日遠

百日欲有所之且有急令貴臣相捕斬天下
兵起盜賊滿市人飢車馳馬奔流亡不止
徵風發屋折木有火災不出三日若三十日四
方告急百姓驚恐自亂或有大吏妖言爲患
羽風發屋折木不出五日若五十日粟大貴人
以水爲憂有大喪后妃黜珍寶出
商風發屋折木不出七日若七十日有急令兵
大起粟大貴國四門閉關梁塞一日兵從中
起

角風發屋折木不出九日若九十日有急賊鬪
戰粟大貴民飢相食有大喪疾疫

以上二則皆係風聲占與日辰五音不同
亦須以日辰來方相參課之乃準

凡大風起止日時方位徵多爲火羽多爲水商
多爲兵爲粟貴角多爲疾疫宮多爲吉須鳴
條以上乃占

宮日風從徵羽上來皆爲民不安從角徵來火
起從角來疾疫從宮羽商來粟貴從羽來水

澇商來又爲火又曰諸宮日風頻起白日沈
冥霧氣四塞或熱或寒邊境不甯大臣逆命
又曰宮日大風從乾上來有暴雨湧水若風
不揚塵氣色和暢日光明盛不寒慘者國有
喜令良來山陵崩壞人君出行水湧地裂又
曰爲凶喪良爲鬼門死亡之兆異來蝗蟲生
害五穀以風止之方決其所在

徵日時加徵怒風蓬勃從商上來天色黃黑疾
作火燒倉庫止于商徵者事疾時加羽勃風

從徵角上來天色昏冥為火燒市肆勃風從羽上來先寒後熱火殺人

羽日時加宮

一作時加羽

風起羽有疾疫以風止處

為災發

一作災止

之期如止寅則正月類是也風

從商角上來時加徵者月內米貴不安又曰

羽日風疾天子昏大人疾疫多盜賊

商日風從角上來時加商角米貴人疫風起徵

商角穀貴且有火災一曰人疫

角日風從徵上起火災亦為粟貴或加時角徵

或從他處起而止于商徵皆為有火災又曰角日風疾天子昏大兵起

以上須蓬勃叫怒吹沙走石日光昏慘乃占

日納音風發止占

宮日風鳴條以上發止於宮者皆為人君出從

德鄉上來以德事出從刑鄉來以刑事出温

和清明以喜事出寒慘昏濁以憂事出宮風

卒起宮宅皆土工興作若潰亂則為聚眾

徵日風鳴條以上發止於徵及卒起宮宅之中

皆爲失火口舌爭鬪追召之憂若從徵來時
加徵又止于宮者宮寺失火

羽日風鳴條以上發止於羽及卒起宮宅之中
皆爲聚眾若實物出入船渡水水物爲變之
事若從羽來時加羽又止於羽者皆爲大雨
水亦爲酒食宴會

商日風鳴條以上發止於商及卒起宮宅中皆
爲宮宅中有鬪兵傷若日納音尅時則客來
傷主若時尅納音則主人傷客若從商來時

加商又止于商卽宮宅中必有自傷者一曰
陽商之日兵起于外陰商之日兵起于內
角日風鳴條以上發止于角及卒起宮宅中皆
爲疾病若時加角而從角來又向角去或止
于角皆爲外喪期九日若九十日時加王爲
君長相爲臣子及妻囚休死爲下賤以風起
止之方決其人及所在角雜羽爲水死雜徵
爲火死雜商兵死雜宮囚死純角病死

五音雜占

凡五音惟宮日占在君以下皆為大臣令長庶官及民仍以日辰言國

宮日亂風啾啾有聲令人悲慘鳴條落葉冷氣逼人有大喪大臣殃

宮日風肅肅習習鳴條以上不至揚沙折木風氣清涼止于德合日光明潔是謂王風宮日風起于坤鳴條以上不揚沙土天日清明是謂相風皆為天子有德臣忠子孝五穀豐熟四夷効順百姓康甯

以上二則單言宮日

凡五音之風從本墓上來或時加墓或止于墓皆主大臣有喪疾或黜或為火起若蓬勃有聲吹沙走石大凶有雨即解歲墓上來人君不安歲刑上來后不安月建墓上來宰相大臣有病至死日墓上來以日占其方長吏死民不安米貴在刑月及本月內時墓上來受風之處小兒多死月建刑墓上來受風之處米貴人災若帶煞角徵日時及方又加火災

此占須蓬怒晦冥之風若清明溫和雖大
不作此斷

庚子陽宮之日半夜風從己酉上來止午風調
不怒不勃天子有喜若立后期九日或二十
七日

丙戌陽宮之日風從未上來止于戌民憂病以

日占國

此是刑
例餘同

諸徵日風從艮上來天氣清涼日色和煖赤黃
雲滿天天下和平歲豐君安

徵日風災熱氣逼人或起止于徵或帶刑殺五

墓皆有火災不出三日

羽日風從坤上起鳴條以上天氣清明黃雲滿

天民安歲豐民令大行

角日疾風天下昏兵大起風從亥上大起止未

為入墓大臣將相死近九日遠二十七日以

日占地此五音墓例餘傲此

四季受角之日風從未上來三日至九日人疾

病若從己亥上來止于未者人死喪

以上皆以刑墓為占

五音主客勝負例

以日之納音為客風所從來之方為主人假令
甲子日納音屬金風來未申丑寅徵方上來
為商動徵火尅商金主人勝客若從己亥
角上來為商動角角木受制於金客勝餘倣
此

又曰納音為客時為主人假令甲子日納音商
金時加丑未寅申徵火為主人勝風又從徵

方來即是兩火攻一金主人大勝若時加角
則為客勝他倣此

又風從日刑來客勝時刑上來主人勝此謂時

與日相刑也

說未妥

凡言主客之法軍從遠來者為客居其地者為
主又先起者為客後動者為主兩軍相持先
動為客後動者為主兩人相捕亦然平居主
客易辨皆以有氣勝無氣敗為占

附餘

諸商日時加宮風從角來軍中欲反勿信左右
諸羽日風從宮羽來乍高乍下乍南乍北四面
分散去復返者敵詐降欲遁期七日九日

諸商羽日

一云皆角日

皆有大風折木從甲子卯亥

上來日中夜半風益急者期三七日大賊至
諸徵日風猝起午上止于亥軍中左右必有謀
反者

六甲窮日占同未詳

五音次序

李淳風曰五音所主以宮為體象五行之內土
為最尊土即是地地與天敵體故宮于五音
為君土者火之子也君國者必立宗廟行號
令徵又為號令故次之土以水為妻故羽又
次之有妻必有子故商又次之物窮則變歸
而為鬼刑土者木也故以角終焉

風角書卷二終

風角書卷三

濟陽張爾岐蒿菴著

開州李若琳淇篔甫校訂
安康張鵬汾補山氏重刊

六情占法

六情干屬

- 一曰本情甲乙主之 用本日支辰
- 二曰合情丙丁主之 用本日支辰所合
- 三曰刑情戊己主之 用本日支辰所刑
- 四曰衝情庚辛主之 用本日支辰所衝

五日鈞情壬癸主之

陽日用本日支後三辰
陰日用本日支前三辰

六情支屬釋義

北方之情好水也好行貪狼甲子主之水生于申盛于子浸淫漸漬觸物而潤故其情好好而無厭故云貪狼主貪財嗜利強奪橫取欺給詐騙攻劫盜賊之事

東方之情怒木也怒行陰賊亥卯主之木生于亥盛于卯其性屈曲受水而生貫土而出閉匿奮苗故其情怒怒而還賊所養故為陰賊

主陰謀陷害屈曲邪佞叛逆戰鬪暴戾殺傷之事

南方之情惡火也惡行廉貞寅壬主之火生于寅盛于午其情剛烈無所容納故其情惡守正疾邪不受污穢故云廉貞主賓主禮儀嫁娶燕享國儀忠信舉賢選良遷官慶賞之事
西方之情喜金也喜行寬大己酉主之金生于巳盛于酉其性剛利利刃加物無不寬大居兌之位兌說也故其情喜喜則容物故云寬

大主福祿賞賜酒食施予貴人君子聚集慶賀恩澤賞賚之事

上方之情樂樂行奸邪辰未主之北與東也陽氣所萌故云上方辰窮水也未窮木也木利在亥水利在申利而無阻故樂水性智窮則奸木性上出窮則旁行故云奸邪主欺給不信淫佚邪慝蔽善黨惡奸私疾病之事

下方之情哀哀行公正丑戌主之南與西也陰氣所萌故云下方戌窮火也丑窮金也窮無

所歸故哀無私不撓之體至窮不變故云公正主復仇諫諍憂恐誅暴訟辨之事

六情日

本情甲子陽商貪狼

乙丑陰商公正

甲申陽羽貪狼

乙酉陰羽寬大

甲辰陽徵奸邪

乙巳陰徵寬大

甲戌陽徵公正

乙亥陰徵陰賊

甲午陽商廉貞

乙未陰商奸邪

甲寅陽羽廉貞

乙卯陰羽陰賊

合情丙寅陽徵陰賊	丁卯陰徵公正
丙子陽羽公正	丁丑陰羽貪狼
丙戌陽宮陰賊	丁亥陰宮廉貞
丙申陽徵寬大	丁酉陰徵奸邪
丙午陽羽奸邪	丁未陰羽廉貞
丙辰陽宮寬大	丁巳陰宮貪狼
刑情戊辰陽角奸邪	己巳陰角貪狼
戊寅陽宮寬大	己卯陰宮貪狼
戊子陽徵陰賊	己丑陰徵公正

戊辰陽角奸邪	己亥陰角陰賊
戊申陽宮廉貞	己酉陰宮寬大
戊午陽徵廉貞	己未陰徵公正
衝情庚午陽宮貪狼	辛未陰宮公正
壬午陽角陰賊	辛巳陰商陰賊
壬辰陽羽公正	辛卯陰角寬大
壬寅陽商陰賊	辛丑陰宮奸邪
壬子陽角寬大	辛亥陰商寬大
壬戌陽羽奸邪	辛酉陰角陰賊

鉤情壬申陽商寬大

癸酉陰商貪狼

庚辰陽商公正

癸未陰角公正

庚寅陽角貪狼

癸巳陰羽貪狼

庚子陽宮廉貞

癸卯陰商廉貞

庚戌陽商奸邪

癸丑陰角奸邪

庚申陽角廉貞

癸亥陰羽廉貞

凡言六情依此時與方止用支辰以本情言之

六情風鳥所起占

申子貪狼之日

時加申子風起鳥鳴其上王相當言羣盜攻

劫休廢死囚有竊盜事

時加寅午有善人說攻劫事

時加巳酉有酒食言攻劫事

時加丑戌有盜賊詞訟或文書追盜賊事

時加亥卯王相有盜賊攻劫休死小盜

時加辰未有婦人說盜賊

寅午廉貞之日

時加寅午風起鳥鳴其上王相當言長吏休
廢死囚為僕役諫諍

時加己酉有遠書至

時加申子有酒食爭財物事

時加辰未有陰私婦女口舌

時加丑戌有酒食

時加亥卯有酒食起爭相殺

亥卯陰賊之日

時加亥卯風起鳥鳴其上王相羣賊大戰休

囚廢死有爭鬪殺傷

時加己酉有酒食相傷

時加丑戌吏逐賊相害

時加寅午有婦人鬪傷事

時加辰未有婦女好事鬪傷

時加申子有兩賊自相攻劫

辰未奸邪之日

時加辰未風起鳥鳴其上王相有長吏來捕

奸詐休囚廢死有口舌

時加寅午有謙恭人言奸淫事

時加己酉有酒食陰私事

時加丑戌有吏來捕奸私陰謀事

時加申子有陰謀爭鬪盜劫事

時加亥卯有賊兵相害事

己酉寬大之日

時加己酉風起鳥鳴其上王相當言為長吏

休廢囚死當有酒食

時加寅午有酒食辭讓事

時加丑戌有酒食口舌爭訟事

時加亥卯有酒食相謀害者

時加辰未未酒食女人口舌

時加申子有酒食爭財

丑戌公正之日

時加丑戌風起鳥鳴其上王相有長吏政理

之事休囚吏來慰問

時加己酉有宴饗賜典

時加寅午有辭讓慶賀

時加辰未有吏來說陰私盜賊事
時加申子有吏來說財賦欺詐事
時加亥卯有吏來說盜賊相殺事
凡六情之日風起鳥鳴于本情方上則謀其時
依上占之

六情風起加方占

申子貪狼之日時加貪狼風起則占
從申子來有盜劫人財物禍起北方若寒急
昏慘則傷人否則小盜又曰不出七日關梁

震驚否則有兵往攻他界

從戌土上來有報仇怨者揚兵相擊若歲月
在丑未大凶

從辰未上來有惡人持物至

從寅午上來有人持物相賂

從己酉上來有人持禮相候欲求財物

從亥卯上來有人以陰賊事相連引否則出
外為獸所傷

亥卯陰賊之日時加陰賊風起則占

從亥卯上來有賊格鬪在所部內傷人又曰
其日風從本方上來不出七日有陰賊人偷
營斫寨

從申子上來有賊自相爭殺

從丑戌上來外人謀內

從己酉上來有客行財于人

從寅午上來有岩穴之事爲人所劫

從辰午上來有婦人從東來或東方婦人伺
隙而爲盜者

寅午廉貞之日時加廉貞風起則占

從寅午上來清和條暢有貴人慶賀燕樂若
帶刑殺或昏冥寒慘則因而生怒又曰其日
風從本方上來有族人辨冤事一日有長者
千里來慶賀

從申子上來有人爭財一日有客來求財物

從己酉上來有遷官召命貴客酒食宴樂一

日有人以財物來求好

從丑戌上來貴人
有事相問一日有報仇怨

者

從辰未上來有人上符文召發事否則有奸人設計相給

從亥卯上來有賊欲劫竊不帶刑殺無害

己酉寬大之昌時加寬大有風則占

從己酉上來有貴人請召飲酒賜與又曰其

日本方上來兵士在外不戰有喜

從辰未上來有妖人為怪婦人欺夫一曰有乘我不虞以為欺者

從申子上來有爭財物者一曰有惡人相遺物

從寅午上來有遷官賞賜

從亥卯上來防陰賊詭計

從戌丑上來有貴人召問

辰未奸邪之日時加奸邪有風則占

從辰未上來主人見謀若出遇疾病又曰其

日從本方上來七日內有賊若陰人誑詐虛

驚一曰風清和帶德則為婚姻寒慘帶殺則

爲奸爲賊

從亥卯上來有宿怨者相攻流血

從戌丑上來有人欲報怨

從寅午上來有文書若以奸盜相引

從申子上來有賊謀持物去

從己酉上來有人相請因飲食生病

戌丑公正之日時加公正有風則占

從戌丑上來吏人相爭仇人報怨又曰其日

風從本方來有忠臣直諫國有喜報仇有功

兩軍相守大將來降不出七日敵兵自敗

從亥卯上來下人凌上

從辰未上來人有欲告言部吏私財物者

從申子上來有亡失盜賊相牽引有吏人爭

財相傷

從寅午上來有遷官事

從己酉上來出逢酒食

凡六情之日如本情有風起則視其方依上占

之

六情附餘占

貪狼之日時加奸邪陰賊風從奸邪上起或陰賊上起必有盜賊劫殺之事

陰賊之日時加貪狼風從奸邪上起或止貪狼陰賊必有盜賊逆亂殺人之事

廉貞之日時加寬大風從廉貞或寬大上來或止寬大有貴人以酒食來相燕樂

寬大之日時加廉貞或寬大風從廉貞上來有貴客至喜慶事

奸邪之日時加陰賊風從寬大上來有人將酒醴相候謀賊害者

公正之日時加廉貞風從奸邪上來有誠信之士報仇而來訴人

凡陰賊之日飄風從四季辰戌丑未上來時加四季或羣鳥飛從四季上來時加四季皆為

有閉關搜索之事若值休廢囚死即在近道假令風鳥從其指陰賊方來即時搜索欲知

所捕何事時加丑戌則是仇怨辰未則是盜

賊或殺人賊亥卯王相是大賊鳥占即至風
占以時日干休王期之

凡廉貞公正寬大之日風和暖日清明皆吉主
恩命慶賀

凡貪狼陰賊奸邪之日風寒慘日昏濁皆凶主
陰謀賊害看王相休囚備之

凡奸邪之日風從貪狼上來賊方自散未詳○
以下數

占則雜
公正日風從陰賊上來止奸邪賊必敗滅

陰賊日時加貪狼風來寒急者敵軍夜來襲人
急備之

陰賊日風從陽角上來賊欲來攻城期九日亥
四十五日

風角書卷三終

風角書卷四

濟陽張爾岐蒿菴著

開州李若琳洪箕甫校訂
安康張鵬翀補山氏重刊

八風占法

京房八風占

入方暴風起則占或不當其時且暴也

北方坎風名曰廣莫風主冬至後四十五日四時暴風起北方主盜賊起天下兵動令人病濕帶下不起居坎為水主盜賊

東北方艮風名曰條風主立春後四十五日四

時暴風起東北方鬼行人道為旱疫令人病洩變容立春之交萬物變改艮為鬼門

東方震風名曰明庶風主春分後四十五日四時暴風起東方人流盜起旱蝗年饑令人病變即四肢不動搖震為木木精曰歲星主稼

稽此下疑有闕文

東南方巽風名曰清明風主立夏後四十五日四時暴風起東南方人多病洩痢乳婦暴死異為風風者百病之長又為長女

南方離風名曰景風主夏至後四十五日四時暴風起南方有火災來年旱人多病熱死生瘡目盲離為火為目

西南方坤風名曰涼風主立秋後四十五日四時暴風起西南方天下兵動坤為士為民為眾上動眾亂也日月失色陽衰故日月失色又令人食不入口病腰脊腫

西方兌風名曰闚闔風主秋分後四十五日四時暴風起西方主秋旱早霜又曰物不成天

下兵動兌為金金精太白血主兵又人多病瘡
癘日月蝕

西北方乾風又曰不周風主冬至後四十五日
四時暴風起西北方有盜賊相攻年饑人流
亡乾為金為寒金主殺伐寒則傷物又曰有
神不起日月失色地動人多病疽癘惡瘡疫
死喪

右八方暴風但風起其方即依上占京房
曰八方風候及八卦風氣春白夏黑秋赤

冬黃皆為下逆上兵革動各隨其部日辰
占之凡八風發屋折木飛沙走石三日不
雨則占風為陽雨為陰陽怒得陰即解故
風怒得雨而息亢極受制惡以善成不但
暴風風逆亦可占之

歲首占風

正月朔旦風南來大旱 西南來小旱 西來
有兵 西北來有北兵 胡豆成 北來為
中歲 東北來為上歲 東來大水 東南

來人病歲惡 八方各以其衝對多勝少疾

勝徐 從旦至食時為麥 食時至日昃為

稷 日昃至晡時為黍 晡時至下晡為菽

下晡至日沒為麻

風從北來宜客南來宜主吉 西來宜客東

來宜主 西北來宜客 東南來宜主 西

南來有謀不成 東北來主客俱不利以上

占即 微風

若風冷熱異常或暴急昏濁又當以八卦

暴風占之

從乾來有憂兵 坎來有大水 艮來人疾

疫又蝗蟲 震來陽氣干歲大旱有喪 巽

來多風傷五穀 離來歲旱大熱多火災

坤來有疾疫道上多死人 兌來有爭兵

八節風占

立春正月節其日晴明少雲年收陰則旱蟲傷

禾豆 風從乾來暴霜殺物穀猝貴 坎來

冬大寒北兵內侵 艮來禾豆熟 震來多

暴雷氣洩物不成 巽來多風蟲 離來旱

傷物 坤來春旱六月大水愁兵起土工興

兌來早霜兵起疫疾

春分二月中其日東方一作東南方有青雲年收晴

明萬物不成 風從乾來年多寒金鐵倍貴

應在四十五日內又曰民饑多災 坎來豆

菽不成民飢寒 艮來夏不熟米貴一倍山

水暴出 震來年收穀成無盜賊 巽來蟲

生四月多暴寒雨 離來五月先水後旱

坤來小水人多瘡痢 兌來春寒八月國有
憂有兵小麥貴

立夏四月節其日南方有赤雲年收清明則旱

風從乾來其年凶飢夏霜麥不刈 坎來

地動人疾多雨水魚行人道 艮來山崩地

動人疫 震來雷不時擊物 巽來其年大

收 離來夏旱禾焦 坤來萬物夭傷 兌

來蝗蟲大作又曰兵起人不安

夏至五月中其日南方有赤氣則收晴明則旱

風從乾來寒傷萬物 坎來寒暑不時夏

月多寒 艮來山水暴出又曰泉湧山崩

震來八月人多病 巽來九月大風落草木

離來五穀收 坤來六月雨水橫流 兌

來秋多雨霜

立秋七月節其日有白雲及小雨則吉晴明則

物不成成風從乾來甚寒多雨 坎來多瘡

疾冬陰雪寒 艮來秋風不和五穀不收米

貴 震來多秋雨人不和草木再榮 巽來

丙兵猝起 離來兵戎不利多旱 坤來五

穀收 兌來兵起將興秋多雨

秋分八月中其日西方有白雲則吉晴明物不

成 風起坤來盜起人多相掠 坎來苦寒

艮來十二月每多陰寒 震來人疾百花

一作不實 巽來十月多風 離來兵動國

南七百里 坤來土工興民憂 兌來五穀

大收

立冬十月節其日晴明小寒人君吉天下喜

風從乾來君令行天下安 坎來冬雪殺走
獸 艮來地氣洩人多病 震來人不安居
多寒 巽來冬溫明年大旱民去其鄉 離
來明年五月大疫 坤來水泛溢魚鹽倍多
兌來妖言爲幻兵在山澤
冬至十一月中其日有雲雪明年大收晴明物
不成 風從乾來強國有憂夏多寒 坎來
年美人安 艮來正月多陰雨 震來雷不
發大雨併至 巽來百蟲害物 離來冬溫

乳母多死水旱不時米貴人疫 坤來蟲傷
苗多水人不安 兌來秋多雨兵起人愁

八逆風占

立夏巽卦主風從乾來爲一逆小凶
立春艮卦主風從坤來爲二逆兵起人大愁
立秋坤卦主風從艮來爲三逆穀不成
立冬乾卦主風從巽來爲四逆人去其鄉
秋分兌卦主風從震來爲五逆帶刀入市
冬至兌卦主風從離來爲六逆人民潰散

夏至離卦主風從坎來為七逆臣下為亂
春分震卦主風從兌來為八逆殿上有刺客
以上八逆風若帶刑殺昏黑寒慘日色白
濁者大凶

三辰八角風占

申子辰日艮辱 震殺 巽反 離吉 坤抵

兌誕 乾忿 坎爭

己酉丑日巽辱 離殺 坤反 兌吉 乾抵

坎誕 艮忿 震爭

亥卯未日乾辱 坎殺 艮反 震吉 巽抵

離誕 坤忿 兌爭

寅午戌日坤辱 兌殺 乾反 坎吉 艮抵

震誕 巽忿 離爭

凡風從辱上來國家有恥辱事 從殺上來有

暴相殺道逢之一日有篡逆叛殺事若行 從反上來

有反逆不順之事 從吉上來有喜慶事行

道逢之有賢人君子相見酒食宴樂 從抵

上來有非禮抵觸事王相貴人相沖休廢庶

人囚死罪人相連 從誕上來有妄誕之人
相欺給 從忿上來有非禮忿爭之事 從
爭上來有奸人來爭財物及格鬪等事 宮宅
回風亦可
用上占

八卦王相例附

立春艮王震相巽胎離沒坤死兌囚乾休坎
廢

春分震王巽相離胎坤沒兌死乾囚坎休艮
廢

立夏巽王 夏至離王 立秋坤王 秋分
兌王 立冬乾王 冬至坎王 餘依次第
推之倣此

八風刑狀加方占

八風不作陣勢氣味不甚掀大五風間或有
八風時常有

乾風悠悠揚揚不疾不徐 巽風平蕩悠長順
吹不歇 兌風細細襲人條理不亂 坎風
尖則險怪撮聚成旋 離風明爽和緩若斷

若續 艮風剛大激烈吹物上沖 震風沖
大渙散頓而復起 坤風長大包含遍野散
漫

乾風來乾巽方國政理 離方火焚宮 坤方
兵眾求糧賞

坎風來乾方民求賑濟 兌方姦究成風 離
方民災兵起 震方謀立王侯 巽方年收

坎方陰謀干上 艮方兵亂 坤方盜起
艮風來乾方外夷入貢 兌方外國來婚 離

方旱災 巽方百穀不成 坎方水旱相仍

坤艮方旱荒米貴

震風來乾震方嗣君登位 坤艮離方王道興

天下平

巽風來兌方蝗生穀傷 離方火焚內宮 震

方蠻夷猾夏

離風來乾方北兵犯闕 離方火焚宮 震方

年旱火災 坎方妖邪陰謀

坤風來離方大旱 坎方后宮陰謀 艮方內

亂

兌風來離方宮中火 坎方內侍陰謀 坤方

外夷重譯

四時八風占 既順時令 復占寒煖

春正月條風二月明庶風三月清明風和順時

寒主水熱傷禾民疫

夏至景風和順時寒兵水災人疫

秋七月涼風八月閭闔風九月不周風涼吉熱

來年災旱疫寒則兵起人疾

冬至廣莫風寒年收煖水起人災萬物不成

乙巳略例八節風占

立春艮兌巽 春分震坤乾

風去地尺餘排樹枝小有聲不動塵黃白雲

遍天天氣清明是謂景風應木之氣則節令

調和忠臣在位萬物成熟年美人安若夾小

雨則百果不實

立夏巽兌艮 夏至離艮乾

風去地尺餘排樹枝小有聲不動塵天氣和

煖紫氣赤雲在日上下或遍天是謂祥風應
火之氣則節令調和君明臣賢民安物阜若
風先慢後急揚沙吹塵黑氣漲天則萬物不
成人多病

立秋坤乾震

秋分兌巽艮

風去地尺餘微鳴條不動塵蒼白雲滿天是
謂和風應金之氣則時令調和民物阜成人
主康壽兵戈不興若走石吹沙先慢後急日
光沈沒天昏冥來年春人不安

立冬乾震坤

冬至乾坤巽

風去地尺餘颯颯不動塵白黑薄雲遍天氣
色和平是謂德風應水之氣則陰陽調和萬
物成熟民安國昌四夷效順若走石揚沙先
慢後急日色晦冥明年麥損蟲生五穀不成

八風兵占

子曰風從八方來大吉

丑日風從乾來不利 坎上來說得被太平

艮上來宜退 巽離上來大勝 坤上來自

伏 兌上來主血光不利

寅日風從艮震來大勝 巽上來軍自亂 離

上來次日後軍自亂 坤上來不宜戰 兌

上來次日降賊兵 乾上來急戰大破賊兵

坎上來小戰

卯日風從艮震來不利 離上來戰獲將 坤

兌乾坎來勝

辰日風從乾坎艮上來必勝 兌上來賊降

巳日風從乾上來不宜戰戰失將 坎上來有

亂謀 艮來賊兵千里 震來大戰 巽來

半勝 離來大勝破國 坤來急備賊兵入

寨 兌來有戰

午日風從乾上來小勝 坎來收賊兵 艮來

大亂 震來有大將加官 巽來大勝 離

來百里有客兵來降 坤來獲糧草 兌來

萬里遠征

未日風從震上來不宜戰 兌來主血光

申日風從乾坎上來大勝 艮上來主勝 云

有賊 劫寨 震巽來大亂遇回兵即吉 離來有伏

兵小勝云 坤上來凶 兌上來大軍絕糧

酉日風從乾上來絕糧 艮來主勝 離來六

十里有伏兵 坤上來百口內有兵圍城

兌來主兵客勝此處疑有脫誤

戌日風從乾巽上來大勝 兌來急備奸人入

寨

亥日風從八方來皆吉

右兵占未詳主客錄之聊備一說

八風兼五音兵占

凡占以方位為主風為客 離方宮風防失土

地 震巽方宮風必獲土地 坤艮方商風

防失輜重 離方商風得敵輜重 坎方角

風防截糧水 乾兌方角風可截敵糧 震

巽方微風防火燒營 坎方微風可燒敵營

乾兌方羽風防敵灌水 坤方羽風可灌

敵水此以我生我尅為占

宮風來乾兌方可復中土來坎方敵毒其水

商風來坎方可得兵助來震巽方敵截糧道
 角風來離方防敵火攻來坤艮方可分敵
 土 徵風來坤艮方防敵火 來乾兌方敵
 奪輜重 羽風來震巽方防敵灌水來離方
 可灌敵水 此以生我 尅我爲占
 右所言主客與他處異故占之無可據
 八風十二辰占
 亥子日時震巽方風我勝得糧離方風防敵灌
 水 寅卯日時離方風我宜火戰坤方風防

夫土地 巳午日時乾艮方風我勝得地乾
 兌方風防失輜重 申酉日時坎方風我勝
 截水巽震方風防敵截水 辰戌丑未日時
 乾兌方風可奪輜重坎方風防敵毒水 此以 日時
生尅方 位爲占
 亥子日時角風敵兵得助徵風可截敵糧 寅
 卯日時徵風防敵火攻宮風可分敵上 巳
 午日時宮風火攻分土商風可奪輜重 申
 酉日時羽風防敵毒水角風可奪敵糧 辰

戊丑未日時商風防奪輜重羽風可截敵水
此以日時生尅風音爲占
與上則相類故附見之

以上三占古風角書所無獨見武備志中
然穿鑿錯亂正不少讀者詳之

對敵八卦占風

乾爲天罡風一曰折風位西北風從天罡上來
利先發主人不勝

坎爲大罡風位正北風從大罡上來利先發主
不勝客勝

艮爲小罡風位東北風從小罡上來主不勝客
勝

震爲究風亦曰嬰兒風位正東風從嬰兒上來
利後發客不勝主勝

巽爲小弱風位東南風從小弱上來利後發客
不勝主勝

離爲大弱風位正南風從大弱上來敵方至利
後發客不勝主勝

坤爲諫風一曰陰謀風位西南風從諫上來利

後發客不勝主勝

兌為衝風位正西利先發主人不勝客勝 京

房占風從震巽離上來主人勝 乾坤坎艮

兌上來客勝 二說微有異同

八風雜占

凡乾坤艮巽上風起颯颯鳴條落葉夾雜小雨

或小有二三聲雷者一曰祥風五穀成天下平

凡四季月風從乾坤艮巽上來天子有德令

乾為天門風起蓬勃乍緊乍慢天色黃黑為火

為旱為疾疫為米貴又曰王相徵大旱百果

不成王相角疾疫王相商兵動物貴王相羽

蟲害人饑王相宮君有德令萬物成

巽為地戶風起吹沙走石有聲如雷牛吼有大

水一日以上止西南方人多疾東南方人半

疾蟲虎傷害人一日止來年有大水

坤為人門風出去地尺餘不動塵沙風氣清爽

日光明潔黃赤雲遍天國有大慶大抵坤上

風吉多凶少有非常之風又當以五音六情

形德言之

艮為鬼門風吹沙走石有聲如千人呼風氣昏
黑天色冥晦民多疾病牛馬疫死五穀不成
應在來年西南為衝人人多病死鬼出人見
風不時嘗發坤方其氣暄燠為旱恆暘
風不時嘗發艮方其氣淒涼為水恆陰

風角書卷四終

